

Lexislativo 2/2004, de 5 de marzo, polo que se aproba o Texto Refundido da Lei reguladora das Facendas Locais. Así mesmo, ós efectos establecidos no artigo 17.4 do citado RDL 2/2004, e 70.2 da Lei 7/1985 de 2 de abril, Reguladora das Bases de Réxime Local, publícase o texto íntegro da ordenanza aprobada:

### **ORDENANZA REGULADORA DA TAXA POR PRESTACIÓN DO SERVIZO DE CEREMONIAS CIVÍS**

#### *ARTIGO 1. FUNDAMENTO E NATUREZA.*

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto no artigo 20.4 do Real Decreto Lexislativo 2/2.004 de 5 de marzo, polo que se aproba o Texto Refundido da Lei Reguladora das Facendas Locais, este Concello establece a Taxa pola prestación do servizo de cerimonia civil; que se rexerá pola presente Ordenanza fiscal, cuas normas atenden ao previsto no artigo 57 do Real Decreto Lexislativo 2/2.004 de 5 de marzo, polo que se aproba o Texto Refundido da Lei Reguladora das Facendas Locais

#### *ARTIGO 2. FEITO IMPOÑIBLE.*

Constitúe o Feito Impoñible da Taxa a prestación do servizo de Cerimonias civís, en dependencias municipais, entendéndose que se produce a prestación do servizo dende que se solicita o mesmo ata a celebración da cerimonia civil de acollemento cidadán, de compromiso cidadán/a, as exequias e despedida da comunidade, outros actos de compromiso cidadán, así como a celebración de matrimonios civís ante o Alcalde/sa ou Concelleiro/a en quen delegue. Todo elo segundo consta no Regulamento Municipal de Cerimonias civís.

#### *ARTIGO 3. SUXEITO PASIVO.*

Son suxeitos pasivos contribuíntes as persoas físicas que solicitan este servizo, entendéndose por tales os contraentes do matrimonio civil, que quedan obrigados solidariamente, e os solicitantes do resto dos servizos.

#### *ARTIGO 4. COTA TRIBUTARIA.*

**4.1** Corresponde abonar pola prestación do servizo regulado nesta Ordenanza:

– Matrimonios civís:

- a) Se un ou ambos contraentes encóntranse empadroados no Concello de Silleda, a taxa ascenderá á cantidade de 80 €.
- b) Se ningún dos contraentes estivera empadroado no Concello de Silleda, a taxa ascenderá á cantidade de 160 €.

– Resto de cerimonia civil

Para o resto das cerimonia civil, a taxa ascenderá á cantidade de 80 €.

#### *ARTIGO 5. DEVENGO.*

A taxa devéngase no momento en que se solicita a prestación do servizo.

#### *ARTIGO 6.-INGRESO.*

As cotas desta Taxa liquidaranse e esixiránse no momento de presentarse a solicitude, en calidade de depósito previo.

#### *ARTIGO 7.-XESTIÓN*

No caso de que, con posterioridade á presentación da solicitude e antes da fixación da data da cerimonia, os solicitantes desistisen do servizo procederase á devolución de do 50 % do importe sinalado no artigo 4 desta Ordenanza.

*DISPOSICIÓN ADICIONAIS.*

As solicitudes presentaranse no Rexistro Municipal, como mínimo con un mes de antelación á celebración do matrimonio que deberá estar previamente autorizado polo Xulgado de Paz de Silleda.; igualmente como mínimo un mes de antelación con respecto ao resto das ceremonias, a excepción da despedida civil, que se rixe por un réxime especial segundo o Regulamento Municipal de ceremonias civís do Concello de Silleda.

*DISPOSICIÓN FINAL.*

A presente Ordenanza fiscal, entrará en vigor ao día seguinte da súa publicación no Boletín Oficial da Provincia, e aplicárase ás cerimoniais que se celebren a partir da devandita data.

Silleda, a 25 de novembro de 2011.—A Alcadesa-Presidenta, Paula Fernández Pena. **2011011665**

\* \* \*

**VILA DE CRUCES****E D I C T O**

No Pleno da Corporación, en sesión ordinaria celebrada o día 28 de novembro de 2011, aprobouse a imposición da Ordenanza Fiscal reguladora da Taxa por tramitación de expediente conducente á obtención de Resolución / Acordo de declaración de aplicación do réxime de situación de fóra de ordenación, previsto na Disposición Transitoria Terceira da Lei 2/2010, de 25 de marzo, de medidas urxentes de modificación da Lei 9/2002, de 30 de decembro.

En cumprimento do disposto nos apartados 1 e 2 do artigo 17 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, o texto da citada Ordenanza, así como o acordo provisional, expóranse ó público no Taboleiro de Anuncios do Concello, estando a disposición dos interesados o expediente elevado ó Pleno, no departamento de Secretaría, durante o prazo de trinta días hábiles, contados a partir do seguinte ó desta publicación no Boletín Oficial da Provincia, a efectos de exame e reclamacións. No caso de non presentarse reclamacións no prazo indicado, de conformidade co apartado 3 do citado artigo 17, entenderase definitivamente adoptado o acordo, sen necesidade de novo acordo plenario.

Vila de Cruces, a 30 de novembro de 2011.—O Alcalde, Jesús Otero Varela. **2011011816**

**E D I C T O**

No Pleno da Corporación, en sesión ordinaria celebrada o día 28 de novembro de 2011, aprobouse a modificación da Ordenanza Fiscal reguladora do Imposto sobre Vehículos de Tracción Mecánica.

En cumprimento do disposto nos apartados 1 e 2 do artigo 17 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, o texto da citada Ordenanza, así como o acordo provisional, expóranse ó público no Taboleiro de Anuncios do Concello, estando a disposición dos interesados o expediente elevado ó Pleno, no departamento de Secretaría, durante o prazo de trinta días hábiles, contados a partir do seguinte ó desta publicación no Boletín Oficial da Provincia, a efectos de exame e reclamacións. No caso de non presentarse reclamacións no prazo indicado, de conformidade co apartado 3 do citado artigo 17, entenderase definitivamente adoptado o acordo, sen necesidade de novo acordo plenario.

Vila de Cruces, a 30 de novembro de 2011.—O Alcalde, Jesús Otero Varela. **2011011817**